



Aldrin H. Dalipi është Kryetar i Qarkut dhe Këshillit Bashkiak të Tiranës.

Ai është i martuar me znj. Luljeta Anamali dhe kanë dy fëmijë: vajzën Enisën dhe djalin Aiden.

Pas përfundimit të studimeve në Shkollën e Mesme Artistike (në 1989) ai u diplomua (90-94) në Akademinë e Arteve (Menaxhim i Arteve) si dhe më pas në fushën e Drejtësisë (Jurist). Ka marrë pjesë në programe profesionale ndërkombëtare në fushën e komunikimit publik, gazetarisë si dhe administrimit të zgjedhjeve, në SHBA dhe vende të BE.

Ai iu bashkua lëvizjes studentore në 1990 si student i Arteve, me bashkëmoshatarët e vet, që ngritën zërin ndaj sistemit të diktaturës dhe besuan në vlerat më të mira europiane.

Ka nisur karrierën e tij në fushën e mësimdhënies për Artet në nivelin e shkollës së mesme rreth viteve 96-98 dhe më pas iu përkushtua fushës së gazetarisë dhe komunikimit publik. **Në vitin 1999, A.Dalipi punoi si gazetar i çështjeve politike dhe sociale në RTSH.**

Në vitin 2000-2002 punoi si Drejtor i Komunikimit në Komisionin Qendror të Zgjedhjeve. Gjatë kësaj periudhe u zhvilluan zgjedhjet e vështira vendore të vitit 2000 dhe zgjedhjet e përgjithshme parlamentare të vitit 2001, ku pavarësisht trysnisë së fortë dhe kontestimeve politike, **fusha e komunikimit publik dhe transparenca me mediat u vlerësuan posaçërisht në raportet ndërkombëtare të asaj periudhe (raporti OSBE-ODIHR).**

Nga viti 2002 deri në vitin 2005, Aldrin Dalipi punoi si Zëdhënës i Qeverisë Shqiptare dhe Kryeministrit, detyrë gjatë të cilës bëri **përpjekje të forta për transparencë dhe komunikim të drejtë me mediat dhe publikun.**

Pas shtatorit 2005, për vite me radhë, **drejtoi media televizive (NEWS24) dhe agjenci lajmesh (BALKANWEB) deri në 2007,** si dhe kontribuoi në vazhdim në fushën e marrëdhënieve publike në sipërmarrje të ndryshme.

Në Tetor 2009 iu besua drejtimi i gazetës së Partisë Socialiste, në atë periudhe në opozitë dhe në kushte të vështira për median e shkruar. Në Nëntor 2009, zgjidhet anëtar i **Asamblesë Kombëtare të PS-së.**

Në zgjedhjet vendore të vitit 2011, Aldrin Dalipi u zgjodh anëtar i Këshillit Bashkiak të Tiranës, **ku kryesoi grupin e këshilltarëve socialistë (në opozitë) në këtë këshill.**

Në vitin 2013 u zgjodh Kryetar i Këshillit Bashkiak të Tiranës, me votat e shumicës së këtij Këshilli, deri në përfundim të mandatit në vitin 2015, periudhë gjatë të cilës krijoi bashkë me këshilltarë të tjerë Shoqatën e Këshilltarëve Bashkiakë të Shqipërisë. Këshilli Bashkiak i Tiranës, në drejtimin e tij, miratoi vendime të rëndësishme konsensuale përmes dialogut politik të qëndrueshëm mes grupeve politike në këshill dhe komunikimit, në interes të qytetarëve.

Në Qershor të vitit 2015, me zhvillimin e zgjedhjeve vendore, Aldrin Dalipi zgjidhet anëtar i Këshillit Bashkiak të Tiranës duke kryesuar listën e PS dhe rizgjidhet Kryetar i Këshillit Bashkiak.

Ai drejton Qarkun Tiranë dhe në Dhjetor 2015 u votua nga Asambleja e AIE (Adriatic Ionian Euroregion) në Bruksel, si zv.President i Euro-Rajonit Adriatiko-Jonian, duke u përkushtuar për një dimension të rëndësishëm të zhvillimit rajonal (në qeverisjen vendore) përmes bashkëpunimit të ngushtë me gjithë rajonet e hapësirës Adriatiko- Joniane (Itali, Kroaci, Mal i Zi, Greqi, etj.) në frymën e integrimit në Bashkimin European. Nga viti 2016 është anëtar i Komitetit Politik të Rajoneve Periferike Detare të Europës (CPMR).